

# 府志

第二十八冊 卷七十卷七十一

列女三

新城 唐縣 博野  
望都 容城

保定府志卷七十

列傳二十四

列女六

國朝

新城縣

張穉升

雍正通志  
作稚升

妻王氏穉升寄迹河南順治五年舉鄉試亞

魁榜後染疫卒氏乘間投井以殉比殮異香續馥時久旱忽濃

陰密布家人祝曰天感節烈當得雪俄而雪花如掌倏忽盈尺

殮畢復晴

大清一統  
志參縣志

庠生孫

通志  
作張

德昌妻任氏夫故守節事姑撫子厯三十年鄰舍

失火逼及姑寢任冒火攜姑出眉髮無傷子鐸國學生鎮入邑

庠

舊志參  
縣志

庠生陳覲妻王氏隨翁任南昌判姑暴率覲哀毀死氏有娠分

婉後絕食以殉

俱同上

庠生姚士伸妻楊氏適姚二載生子甫三月而士伸故氏矢志

守節自十九歲至七十餘歲卒

舊志

子毓秀孫延祚先後入邑庠

縣志

前錦衣將軍劉時道妻張氏時道卒遺孤有芬甫四月氏堅貞

矢志教子入泮自二十七歲守節至八十一歲卒

舊志

范大嘴妻李氏夫外出比鄰有劉進瑞者乘而逼姦氏堅拒不

從被殺當事者置進瑞於法旌之如例

李東文女大姐康熙四十三年爲村惡陶思文逼姦不從勒而

死事聞旌之并置强暴於法

大清一統志並縣志

閻德明

縣志作明德

女黑姐隨母嫁梁玉玉撫以爲女黑姐與玉女

存姐同處定興趙國良入而強逼之二女力堅拒皆被殺雍正

九年並旌

雍正通志

高九獻妻郭氏年十七歲夫卒撫遺腹子士适成立弱冠入泮  
姑病噎幾殆氏割腕肉以進病頓愈乾隆十五年旌

縣志

劉光祚妻蔣氏年二十一歲夫亡翁癱廢氏事之歷二十年無  
倦容撫孤成立乾隆十七年旌

孔繼侗妻何氏年二十六歲夫亡孝事舅姑訓子入泮守節三  
十八年乾隆三十四年旌

李昌妻張氏年二十八歲夫亡苦節終身乾隆四十一年旌

庠生孔廣鰲妻王氏夫故氏年十九孝事孀姑撫遺孤昭熹登  
賢書乾隆四十一年旌

王家楨妻李氏年十九歲夫亡無子撫夫姪爲嗣訓之入泮乾

隆五十年旌

李鉦妻張氏武舉士林女年十七于歸越三年而寡苦守奉姑撫孤國勳入成均有文譽乾隆五十七年旌

楊義妻徐氏乾隆四十九年遭強暴不辱自縊死已旌

馬文明妻劉氏乾隆五十八年有惡少強逼之不從被創身死事聞旌之

王家翰妻姚氏年二十守節撫遺腹子良弼成立教之入邑庠乾隆五十八年旌

李鐸妻劉氏鐸亡氏年二十二歲無所出勤紡績事孀姑守節四十四年乾隆五十八年旌

董璜妻趙氏年十八于歸越二歲璜卒守節未幾舅姑繼歿子亦夭折因撫夫姪爲嗣六十餘歲卒嘉慶六年有司旌其閭

楊家莊田某妻李氏年十七于歸甫三月而寡姑以哭子喪明氏朝夕侍奉四十餘年比姑歿罄家資營喪葬咸稱其孝嘉慶六年當事旌之

田六妻石氏遇強暴不辱被殺嘉慶十一年旌

盧藩妻潘氏周順妻李氏均以惡少穢言調之羞忿自經死嘉慶十三年并旌

孫廷玉未婚妻劉氏固安劉鶴鳴女年十五歲廷玉卒女聞訃請奔喪父母未之許女以翦刺臂尋復自縊其母急救之獲免乃送女於孫焉服闋歸甯以從死之義告父母勸止之比來歸雉經死嘉慶十七年旌

俱同上

崔象山弔劉貞女詩天地有與立惟此綱與常或以節而著或以烈而彰貞哉方城劉氏女幼與孫郎結婚侶不幸孫郎染疫死貞女心悲渾不語入門守制踰三年涕泣陳詞至堂前婦殉夫義當然非爲名軀以捐人以死爲苦女



以死爲全且免父母相掛牽兩家聞之防益密貞女笑語猶平日乘間閉戶竟自經顏色如生志已畢

楊起唐妻周氏性端淑事祖舅姑及舅姑以孝稱未幾起唐故氏年二十有二時祖舅姑及舅姑暨夫兄嫂相繼歿氏力籌七喪爲之營葬心力並瘁繼夫姪俊秀爲嗣撫之成立苦節以終

嘉慶十七年霸州收給匾旌之

魏廷模周氏節孝文

朱祥妻趙氏年十六于歸甫六月而寡守節三十三年

縣志

庠生李玉衡妻宋氏年二十九歲夫故守節卒年六十一有司

旌之

縣志

李運亨妻李氏年十七于歸逾二載夫亡痛哭絕食舅姑慰諭之乃勤紡績以奉舅姑撫孤苦守四十八歲卒嘉慶二十四年旌

貢生李甲妻楊氏壽八十三歲子亨古亨擢皆入泮亨謙成進

士孫六曾孫三元孫一五世同堂嘉慶二十四年旌

庠生王得早故妻汪氏年甫十九事祖姑及舅姑以孝稱道光元年旌

孔憲愷妻苑氏年二十歲夫亡守節撫孤慶鉦成立尋官司務道光元年旌

吳永齡妻向氏年二十八守節孝事孀姑和處娣姒訓子式谷爲諸生道光二年旌

監生孔廣琮妻劉氏年二十九歲廣琮病篤以二老囑比歿氏奉命唯謹事庶姑亦盡孝同族監生孔憲堃妻薛氏年二十二歲夫亡孝事舅姑氏臨歿謂其姑曰媳不獲終事有負夫命矣卒年五十八道光三年并旌

俱同上

孔昭熊妻王氏年二十三昭熊故舅姑相繼歿氏拮据營喪葬



均如禮訓子入泮未幾子與媳及孫孫媳曾孫先後亡守節四

十七年八遭奇慘聞者傷之道光五年旌

縣志

翟佩妻張氏年十九歲夫亡撫遺腹孤成立守節五十年道光

六年旌

辛德妻閻氏年二十五歲夫亡守節道光八年旌

王元濬妻宋氏元濬卒氏年二十二歲矢志苦守撫遺腹子成立復繼夫姪爲嗣旣而皆入邑庠道光九年旌

董永齡妻許氏年二十守節姑从病夫弟永昇尙幼氏紡績以供奉養永昇尋爲諸生道光九年旌

張景鳳妻李氏年二十七歲守節道光十年旌

劉得忠妻王氏年二十守節道光十一年旌

武珍妻李氏年二十七守節道光十二年旌

職員李亨吉妻孔氏亨吉卒矢志守節撫孤成立入太學旣娶而歿媳常氏依姑苦守撫夫堂姪爾熾爲嗣訓之遊泮道光十一年并旌

李枚妻劉氏卽常氏嗣子爾熾之生母也年二十四歲枚卒氏勵志苦守事親教子以孝慈稱厯節終身

孫增世妻許氏年十九于歸三月而寡夫故守節終身道光十二年旌

張大玉妻李氏二十二歲守節庠生張錫九妻李氏二十六歲守節道光十二年并旌

張大智妻李氏年十七歸張越三載而寡舅姑衰老以喪子故幾不自持氏忍泣承歡事之盡孝年逾八旬猶勤操作道光十

四年旌

俱同上

白明德妻張氏年二十五歲夫亡子佩玉甫週歲撫之成立六

十三歲卒道光十五年旌

縣志

姚同泰妻許氏年十九守節劉作舟妻馮氏年二十六守節道光十七年并旌

程天德妻王氏二十二歲夫故撫孤守節子獻麟孫嘉猷皆入泮道光十七年旌

王鎔妻孫氏年二十二守節王懷妻王氏年二十五守節道光十七年并旌

尹清源妻李氏年二十二歲夫亡守節終身

李茂妻鄧氏年二十三歲夫故撫孤守節卒年八十有四

陳哲妻任氏十八歲守節壽八十無疾而終

馬林妻劉氏二十三歲夫故家貧撫孤苦守採薪拾穗以養

姑後曾孫繁衍五世同堂壽八十三歲

武天保妻程氏二十八歲夫故撫孤成立入武庠守節五十年  
監生張錫榮妻蕭氏二十八歲夫故撫孤守恆弱冠入泮五十  
六歲卒

王煥章妻劉氏年二十九守節賈珍妻王氏年二十三守節李  
鳳翔妻方氏李善交妻張氏俱二十二歲守節子皆爲諸生

王曰喻妻王氏早寡守節教子讚入庠讚復早卒媳劉氏依姑  
苦守厯節五十餘載邑令旌其門

庠生楊薰妻吳氏年二十八歲夫故無子守節終身

王鳳鳴妻楊氏年十八歲夫故守節終身

李綱妻郭氏年二十二歲夫亡有鄰婦勸之嫁氏刲面以矢志

守節至七十四歲卒

俱同上

柴桂榮妻宋氏年二十四歲桂榮卒舅姑先歿遺夫弟桂林甫四歲氏拮据營喪葬撫桂林成立後以桂林次子煜爲夫嗣入

太學卒年七十四

縣志

李清和妻龐氏年十六于歸越八月夫亡自縊者再均以救免家貧守節七十三歲卒

庠生孟繼誠妻趙氏年二十守節時舅外出氏伴姑寢屋梁折姑被壓氏滑土救之比姑出十指皆裂撫孤守節五十一年

李生華妻李氏年二十一歲夫故守節五十年撫孤廷桂成立旣而卒媳李氏奉姑苦守厯四十四年卒年六十九歲

王廷勳妻焦氏子震妻杜氏姑媳雙節相依苦守焦卒年六十五杜卒年五十九

庠生劉兆績妻杜氏年二十三歲夫故遺孤甫週歲撫之成立

卒年六十三歲

劉德英妻金氏年二十四守節孫國成妻郭氏年二十一守節  
趙永泉妻張氏年二十五守節陶淑德妻王氏年二十七守節  
孫起瑞妻許氏年二十六守節孫廣意妻趙氏年十八守節均  
以孝稱

趙焯妻王氏二十五歲夫亡撫遺腹子成立苦節終身

劉純妻王氏二十九歲夫亡事舅姑以孝稱撫遺腹子成立守  
節三十二年

喬凌漢妻王氏凌漢亡氏年十九撫遺腹子成立五十歲卒

庠生王玉民妻杜氏年二十八撫孤守節未幾子亦歿撫孤孫  
成立六十三歲卒

劉克忠妻張氏夫亡子又殤氏奉舅姑苦守以節孝終

俱同上



張殿元妻臧氏年二十一歲夫亡李爾珠妻田氏年二十四歲  
夫亡李繡珍妻潘氏年十七歲夫亡邢瑞妻朱氏年二十三歲  
夫亡張某妻李氏年十九歲夫亡皆苦節終身以孝慈者縣志  
韓登甲妻楊氏早寡守節事舅姑以孝稱

張存妻杜氏年二十一歲守節高某妻許氏馮雲成妻趙氏俱  
二十歲守節均以壽終

宋殷妻杜氏殷卒氏年二十一歲事姑以孝聞

貢生宋大訓妻王氏姑病氏割臂以進遂愈鄉里稱之

宋某妻王氏姑疾思肉不可得氏割臂作食以進姑疾遂瘳

李從德妻孟氏從德卒氏年二十六浹日自縊死

王玉琨玉衡同懷兄弟也均早卒玉琨妻信氏年二十二玉衡  
妻呂氏年二十同心守節舅失明姑患痰疾年皆八旬信呂侍

奉左右無倦色玉琨堂弟玉璿妻徐氏年二十一守節時稱一門三節云

張思義妻金氏年二十八思義卒家貧甚撫孤苦守常以糠粃度日自言不解衣而寢者二十餘年壽八十有三

王振作妻李氏年二十歲夫亡遺孤甫三月氏誓志苦守七十七餘歲卒

趙懷德妻李氏年二十一懷德卒舅姑俱患癰痺氏扶持奉養昕夕無間守節至六十餘歲卒

李殿臣妻楊氏年二十四歲夫故事舅姑撫遺孤孝慈兼至里人公舉請旌

潘德功妻王氏年二十二歲夫故翁亦尋歿氏事姑撫孤矢志苦守氏母石氏孀居多病爲請於姑迎養焉歷節三十四年

俱同

上

庠生孔昭煥女許字劉精一子未婚而劉子卒父母爲擇配女知之涕泣不已數詰之始以歸劉請父母察其志乃送之劉事

姑以孝守貞終身

縣志

周良卿孔貞女紀事略性出於自然而無所勉強者天也行出於必然而無所顧慮者人也性出於自然行出於必然始終無所變易者天與人合而道立然是道也於臣爲忠於子爲孝於女爲貞於婦爲節孔貞女者女而貞又婦而節者也不言節而言貞未成乎婦全其爲女也貞女父昭煥新邑文生女年九歲許字鄰村文生劉精一之子未幾劉子亡貞女聞之暗然撩泣自是屏簪飾獨處雖家人不輕見父母異之及爲議他婚則閉戶垂泣者累日數詰之乃拊胸椎心而對曰父母以兒許劉氏終當歸劉不幸夫天而堂上姑固在也父母憫其志姑聽之久之察其志之終不可奪也告諸劉劉母無子而得婦合會周親詹吉而迎之貞女旣至泣拜姑痛幾絕繼乃哭祭夫塚入門成服終三年親操井臼奉姑膳必敬手滌裙禴無惰容婦惟知有姑而若不知其無夫姑惟知有婦而若不知其無子雖淒風苦雨環堵蕭然宴如也或謂貞女不讀書能明大義克葆其貞蓋其天固然不知未嫁而夫亡夫亡而矢志